

Վերապատուեցեացոյ Հայր Յակոբ վարդապետի
և Հայր Անդրեաս վարդապետի

Յամի տեան 1749 Մայիսի 23

Յիսուսաւանդ ողջունիւ յայտ լիցի Հայրութեան ձերում, զի պատճառն վասն որոյ
այսքան ժամանակ զիր ոչ եղև յղեցեալ առ ձեզ, այս է, զի Գերյարգելի աբբայ հօր
մերում անցեալ ամի դեղնացաւութիւնն որ փարատեցեալ էր, դարձեալ եկն ի վերայ,
զորոյ զհարգն ոչ կարեմք այժմ մի ըստ միոջէ պատմել ձեզ: Եւ թէպէտ մեր քաջ իմաս-
տուն բժիշկն բազում ջանիւք պէսպէս դեղ արար, և երբեմն երբեմն ցաւն թեթևացաւ,
բայց վերջապէս փառք բարերար կամացն աստուծոյ, յապրիլի 27 փոխեցաւ յաստի
կենաց: Եւ եղև մեզ անպատմելի ցաւ որք մնալն մեր յայնպիսի գերազանց շնորհալի
բարերար խնամակալ հոգեւոր Հօրէ և առաջնորդէ, որ և էր փառքն ընդհանուր ազգիս
մերոյ: Եւ յոյժ բարեւոք պատրաստութեամբ և ջերմեռանդութեամբ եղև փոխիլն նորա
յաստի կենաց: Ընկալաւ յառաջագոյն զամենասուրբ Հաղորդութիւն և զՎերջին Օծումն.
և ետ մեզ զՎերջին օրհնութիւնն և զպատուէրն: Եւ գրեթէ մինչև ի յետին շնչելն էր
զգաստ: Յետ այսորիկ արարաք նմա զարժանի մեծահանդէս թաղումն արտասուօք և
ջերմեռանդութեամբ. և զուժ օր այգողք արարաք նմա: Զկնի թաղման իբրև փոքր ինչ
սփոփեցան սիրաք մեր, յետ քանի մի աւուրց Ժողով արարաք զոմն ի մէջ կացուցանել
մեզ Փոխանորդ աբբայի, զի կառավարեսցէ զմիաբանութիւնն մեր ժամանակաւորապէս՝
մինչև ընտրեսցի և կացուցի ոմն աբբայ հայր: Եւ ըստ սրբոյ Լրօնիս մերոյ կանոնի
և կացութեան՝ նաև ըստ աբբայ Հօրն մերոյ Խրատու՝ պալա ձգելով՝ ընտրեաց և ընդու-
նեցաւ միաբանութիւնն զիս լինիլ Փոխանորդ աբբայի. և այսպէս յիմ վերայ եղաւ
կառավարութիւնն հասարակութեան մերոյ մինչև զնոր աբբայ դիցուք: Արդ որպէս ի
ժամանակս կենդանութեան աբբայ հօրն ամենայն ինչ կազմ և կարգաւորեալ կայր,
նոյնպէս և այժմ: Իսկ զաբբայ ընտրել և կացուցանել այժմ ոչ կարեմք, քանզի պիտոյ
է, զի որք արտաքոյ Վանիցս են, եկեսցեն՝ եթէ կարասցեն, իսկ որք ոչ կարեն գալ,
զհաւանութիւն իւրեանց գրեսցեն առ մեզ: Եւ քանզի ձեր մնալն այդր՝ յոյժ հարկաւոր
է, վասն որոյ պիտոյ է զի դուք գրիցէք զհաւանութիւն ձեր՝ այսու օրինակաւ. Ես հայր
այս անուն հաւանիմ և ընդունիմ զնա զոլ աբբայ հայր, զոր երկու երրորդ մասն Ժո-
ղովոյ միաբանութեան մերոյ ընտրեսցէ: Դարձեալ վասն հոգւոյ աբբայ հօրն զհինգ հինգ
պատարագս մատուցիք: ... Վասն դադարման ներողութեանց ի սուրբ տարւոյն՝ ծանիք
զի իրաւի յամենայն աշխարհ որքան ներողութիւնք կան, դադարին ի սուրբ տարւոյն,
ուստի զգոյշ լերուք, զի մի յայնմ տարւոյ ևս հռչակիցէք զներողութիւնս խորանաց
ձերոց: ... Յարեւելս ի Հայաստան է սաստիկ խռովութիւն և դժնդակ դառնութիւն, մինչ
զի եթէ հնար էր, ամենեքեան փախչէին յայնմ երկրէ, զի այժմ երեք Շահ նստեալ են
ի զանազան տեղիս և պատերազմին:

Ն. Ծ. Հ. Եղիա վարդապետ Փոխանորդ

[Վենետիկ – Ս. Ղազար]

ՃԻՆԵ.

Հ. Ղազար կը նկարագրէ վերոյիշեալ ախուր գուժէն իր և քաղաքին կրած
մեծ տպաւորութիւնը:

Վերապատուեցելոյ և Յարգեցելոյ Հայր Եղիայ վարդապետի
Փոխանորդի Աբբայի և Հօրն իմոյ

... Իհաս զիր մի կարի անագան, զոր գրեալ էիր Հայր Մարկոսին. և ի գրոյն յայն-
մանէ իմացայ զլուր ինչ ցաւալի, զի ի յապրիլի 27 խաւարեալ է մեր հայ ազգին արեւ-